



Steen Lynge
Inatsisartunut ilaasortaq, Demokratit
-/maani

Pisortani atorfinni aalajangersimasuni pisortani sulisut unammilleqatigiinnermut tunngatillugu immikkut piumasaqarfigineqartarnerannik eqqussinissaq pillugu § 37 naapertorlugu apeqqummut nr. 2018-140-mut akissut

Asasara Steen Lynge,

Brevdato: 19-07-2018
Sagsnr.: 2018-14915

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanog.gl
www.naalakkersuisut.gl

Ulloq 5. juli pisortani sulisut aalajangersimasut unammilleqatigiinnermut tunngatillugu immikkut piumasaqaateqarfigineqartarnerat pillugu Naalakkersuisunut apeqqut nr. 2018-140 saqqummiuppat. Apeqqutit uannut akineqartussanngorlugit innersuunneqarput.

Apeqqutitit akissutaallu tulliuttuni atuarneqarsinnaapput:

1. Naalakkersuisut isumaat naapertorlugu pisortani atorfillit aalajangersimasut eqqarsaatigalugit unammilleqatigiinnermut tunngatillugu immikkut piumasaqaateqartarnissaq eqqunneqartariaqarnerluni taamaasiornikkut qularnaarumallugu inuit taakku soraarnermik kingorna niuertut aallartinnginnissaat imaluunniit suliffeqarfimmik aalajangersimasumik aallartitsinnginnissaat imaluunniit taamaattuni atorfininnginnissaat?

Kalaallit Nunaanni pisortani atorfilinnut unammilleqatigiinnermut tunngatillugu immikkut piumasaqaateqartarnek atorneqanngilaq. Naalakkersuisut oqaloqatigiissutiginnissaanut aamma peqquteqarsimangillat.

2. Naalakkersuisut isumaqassagaluarpata unammilleqatigiinnermut tunngatillugu immikkut piumasaqaateqartarnissaq pissusissamisoortoq, taava Naalakkersuisut isumaat naapertorlugu kikkut immikkut piumasaqarfigineqartariaqassappat?


Apeqqut 1-imut akissut innersuutigineqarpoq.

3. Naalakkersuisut naliliinerat naapertorlugu unammilleqatigiinnermut tunngatillugu immikkut piumasaqaateqartarnissaq sunik kinguneqassava aamma sunik iluaqutitaqarlunilu ajoquteqassava?

Pisortat suliffeqarfiini atorfinni aalajangersimasuni unammilleqatigiinnermut tunngatillugu immikkut piumasaqaateqartarnermik atulersitsineq ataasiakkaat nutaamik inuussutissarsiummik pilersitsisinnaaneranut killiliinermik nassataqassaaq. Tamannalu sulisunut ataasiakkaanut nunatsinnilu suliffeqarnermut tamarmut akornuseeratarsinnaavoq. Tassungattaaq ataatillugu inuussutissarsiuini arlalinni sulisartut nunaqavissut qaffasissumik ilinniarsimasut ikittuinnaanerat ilanngullugu eqqarsaatigineqassaaq, taamaammallu unammillersinnaanermut tunngatillugu immikkut piumasaqaateqalernek avataanit suliaartortussanik amerlanernik pisariaqartitsilernermik nassataqarsinnaavoq.

Pisortat suliffeqarfiini atorfinni aalajangersimasuni unammilleqatigiinnermut tunngatillugu immikkut piumasaqaateqartarnermik atulersitsinerup annertussusaa suli ilisimaneqanngitsunik aningaasatigut kinguneqaateqarsinnaanera naatsorsuutigineqarsinnaavoq.

Inussiarnersumik inuulluaqqusillunga



Pêle Broberg